

Broj: 01-01.3-3350-8/15 AZ
Datum: 23.07.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP "Autoceste FBiH" i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj: 01-01.3-3350-7/15 AZ od 15.07.2015. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o izboru najpovoljnijeg ponuđača

I

Ugovor za nabavku usluga, u pregovaračkom postupku bez objave obavještenja o nabavci, "Provođenje informativnih kampanja i promovisanje sigurnog korištenja ceste" u vrijednosti od **19.000,00 KM** sa dodjeljuje se ponuđaču **Fakultet za kriminalistiku, kriminologiju i sigurnosne studije Sarajevo** koji je podnio prihvatljivu ponudu.

II

Ova odluka će, u skladu sa članom 70. stav (6) Zakona o javnim nabavkama, biti objavljena na internetskoj stranici JP „Autoceste FBiH“ d.o.o. Mostar www.jpautoceste.ba, i to istovremeno s upućivanjem Odluke ponuđaču koji je učestvovao u postupku nabavke.

O b r a z l o ž e n j e

JP „Autoceste FBiH“ d.o.o. Mostar je u skladu sa Odlukom o nabavci broj: 01-01.3-3350/15 AZ od 22.06.2015. godine pokrenulo pregovarački postupak bez objave obavještenja o nabavci u skladu sa članom 21. stav (c) Zakona o javnim nabavkama sa ponuđačem Fakultet za kriminalistiku, kriminologiju i sigurnosne studije Sarajevo.

U skladu sa članom 28. stav (4) Zakona o javnim nabavkama, ugovorni organ je objavio na svojoj internet stranici www.jpautoceste.ba Odluku o vanplanskoj nabavci u pregovaračkom postupku bez objave obavještenja.

Ponuđač je do termina predviđenog za predaju ponuda dostavio svoju inicijalnu ponudu. Komisija za nabavke, imenovana rješenjem broj 01-01-3-3350-3/15 AZ od 07.07.2015. godine, je nakon pregleda i ocjene inicijalne ponude pozvala ponuđača na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala prijedlog ugovornom organu da ugovor za nabavku usluga: "Provođenje informativnih kampanja i promovisanje sigurnog korištenja ceste" u vrijednosti od 19.000,00 KM dodijeli ponuđaču Fakultet za kriminalistiku, kriminologiju i sigurnosne studije Sarajevo jer je ponudio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba ugovornom organu, u roku od 10 dana od dane objave dobrovoljnog *ex ante* obavještenja o transparentnosti, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**Izvršni direktor
za upravljanje i održavanje:**

.....
Mirsad Nikšić, dipl.ing.maš.

Direktor:

.....
mr.sc. Ensad Karić



Broj: 01-01.3-3350-7/15 AZ
Datum: 15.07.2015. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar Komisija dostavlja:

ZAPISNIK O PREGLEDU I OCJENI INICIJALNE PONUDE u pregovaračkom postupku bez objave obavještenja o nabavci

- 1. Naziv i sjedište ugovornog organa:** JP „Autoceste FBiH“ d.o.o. Mostar
- 2. Predmet nabavke:** „Provođenje informativnih kampanja i promovisanje sigurnog korištenja ceste“
- 3. Evidencijski broj nabavke:** 01-01.3-3350-1/15 AZ
- 4. Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (c) Zakona o javnim nabavkama („Službeni glasnik BiH“ broj: 39/14) u kojem je navedeno da *„kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču“*.
- 5. Datum početka pregleda i ocjene inicijalne ponude:** 07.07.2015. godine u 13:15 sati.
- 6. Datum slanja poziva na pregovaranje:** Komisija je dana 08.07.2015. godine poslala ponuđaču poziv na pregovore. Pregovori su zakazani za 10.07.2015. godine u 10:00 sati. Zapisnik o pregovorima je u prilogu.
- 7. Datum slanja poziva na izmjenu i/ili dopunu inicijalne ponude ili na dostavu konačne ponude:** Na održanim pregovorima dogovoreno je da ponuđač dostavi konačnu ponudu 13.07.2015. godine do 16:30 sati.
- 8. Naziv i sjedište svih ponuđača, prema redoslijedu zaprimanja inicijalnih ponuda:** Fakultet za kriminalistiku, kriminologiju i sigurnosne studije Sarajevo, sa ponuđenom cijenom 19.250,00 KM bez PDV-a.
- 9. Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- 10. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**
Ponuđač je u sklopu inicijalne ponude dostavio:
 - Izjavu o ispunjenosti uslova iz člana 45. Zakona o javnim nabavkama

Komisija je konstatala da ponuda zadovoljava zadate kriterije i da je Ponuđač kvalificiran za nastavak postupka.

- 11. Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.

- 12. Analitički prikaz traženih i dostavljenih dokaza tehničke i profesionalne sposobnosti ponuđača:** Nisu traženi dokazi tehničke i profesionalne sposobnosti.
- 13. Prikaz traženih i dostavljenih garancija za ozbiljnost ponude:** Nije tražena garancija.
- 14. Podatke o pojašnjenju inicijalne i/ili konačne ponude:** Nije traženo pojašnjenje.
- 15. Prikaz valjanosti inicijalne i/ili konačne ponude prema obliku, sadržaju i cjelovitosti:**
Ponuda ponuđača je:
- Ovjerena i potpisana
 - Dokaz o registraciji
 - Ispravno popunjen Aneks 2, Obrazac za dostavljanje ponuda
 - Ispravno popunjen Aneks 3, Obrazac za cijenu ponude
 - Ispravno popunjen Aneks 6, Izjava o sukobu interesa
 - Potpisan Aneks 7, Nacrt Ugovora,
 - Parafiran Aneks 8, Projektni zadatak,
- 16. Analizu inicijalne i/ili konačne ponude vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna ponuda zadovoljava zahtjev u pogledu opisa predmeta nabavke.
- 17. Podatke o ispravkama računskih grešaka u inicijalnoj i/ili konačnoj ponudi:**
Računskih grešaka nije bilo.
- 18. Naziv i sjedište ponuđača čija inicijalna i/ili konačna ponuda se odbija na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo
- 19. Razloge za odbijanje inicijalne i/ili konačne ponude zbog neprirodno niske cijene:**
Nije primjenjivo.
- 20. Razloge za odbijanje inicijalne i/ili konačne ponude zbog neprirodno niske cijene:**
Nije primjenjivo.

Pregled i ocjena konačne ponude

- 21. Datum početka pregleda i ocjene konačnih ponuda:** 13.07.2015. god.
- 22. Analizu prihvatljive konačne ponude prema kriteriju za izbor ponude:**
Ponuđač je, na osnovu održanih pregovora, dostavio konačanu ponudu. Ukupna cijena konačne ponude je: 19.000,00 KM bez PDV-a.
- 23. Rangiranje prihvatljivih konačnih ponuda prema kriteriju za izbor ponude:**
- | | |
|---|-------------------------------|
| 1. Fakultet za kriminalistiku,
kriminologiju i sigurnosne studije Sarajevo | 19.000,00 KM bez PDV-a |
|---|-------------------------------|
- 24. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Fakultet za kriminalistiku, kriminologiju i sigurnosne studije d.o.o. Sarajevo, Zmaja od Bosne 8, 71000 Sarajevo. Ponuđač je dostavio prihvatljivu ponudu, sa najnižom cijenom.
- 25. Podatke o dijelu ugovora koji se daje u podugovor i podatke o podizvođaču:** Nije primjenjivo.

- 26. Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač - Fakultet za kriminalistiku, kriminologiju i sigurnosne studije Sarajevo, u skladu sa tačkom 7.1.4. tenderske dokumentacije, obavezan je u roku od 5 (pet) dana od dana prijema odluke o dodjeli ugovora dostaviti dokumente kojim dokazuje ispunjavanje uslova iz tenderske dokumentacije. Dokazi koji se zahtjevaju moraju biti originali ili ovjerene kopije
- 27. Prijedlog odgovornoj osobi ugovornog organa za donošenje odluke o izboru:**

Shodno gore navedenom predlaže se direktoru JP "Autoceste FBiH" d.o.o. Mostar da za nabavku usluga „Provođenje informativnih kampanja i promovisanje sigurnog korištenja ceste“ donese sljedeću odluku:

Ugovor za nabavku usluga: "Provođenje informativnih kampanja i promovisanje sigurnog korištenja ceste" u vrijednosti od 19.000,00 KM dodjeljuje se ponuđaču Fakultet za kriminalistiku, kriminologiju i sigurnosne studije Sarajevo jer je ponudio prihvatljivu ponudu.

- 28. Datum završetka postupka pregleda i ocjene konačne ponude:** Komisija je završila pregled i ocjenu konačne ponude dana 15.07.2015. godine.
- 29. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalne i/ili konačne ponude:**

Članovi komisije:

Mirza Resić, predsjednik komisije.....
Lejla Hodžić, član komisije
Mirnes Fazlić, član komisije.....

Za sekretara komisije imenovana je Aida Zeba.

Prilozi:

1. Kopija zapisnika o vođenju pregovora i
2. Kopija Zapisnika o zaprimanju ponuda

Saglasan:
.....
mr.sc. Ensad Karić, direktor



Broj: 01-01.3-3350-5/15 AZ
Datum: 10.07.2015. godine

ZAPISNIK O PREGOVORIMA

Sastavljen dana 10.07.2015. godine u 10:00 sati u sali JP „Autoceste Federacije BiH“ d.o.o. Mostar, Operativni ured u Sarajevu, Dubrovačka 6, u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku usluga: „Provođenje informativnih kampanja i promovisanje sigurnog korištenja ceste“, koji se sprovodi u skladu sa članom 21. stav (c) Zakona o javnim nabavkama („Službeni glasnik BiH“ broj 39/14).

Prisutni:

1. prof. dr. Jasmin Ahić, ovlašteni predstavnik ponuđača Fakultet za kriminalistiku, kriminologiju i sigurnosne studije Sarajevo
2. Sedada Ejupović, ovlašteni predstavnik ponuđača Fakultet za kriminalistiku, kriminologiju i sigurnosne studije Sarajevo
3. Ermina Bakić, ovlašteni predstavnik ponuđača Fakultet za kriminalistiku, kriminologiju i sigurnosne studije Sarajevo
4. Mirza Resić, predsjednik komisije,
5. Lejla Hodžić, član komisije,
6. Mirnes Fazlić, član komisije
7. Aida Zeba, sekretar komisije

Na osnovu člana 21. tačka c) Zakona o javnim nabavkama („Službeni glasnik BiH“ broj 39/14) direktor JP „Autoceste FBiH“ d.o.o. Mostar pokrenulo je pregovarački postupak bez objave obavještenja o javnoj nabavci usluga „Provođenje informativnih kampanja i promovisanje sigurnog korištenja ceste“.

Shodno naprijed navedenom Poziv za dostavljanje ponude i na pregovaranje upućen je ponuđaču Fakultet za kriminalistiku, kriminologiju i sigurnosne studije Sarajevo, a na osnovu Odluke o nabavci usluga „Provođenje informativnih kampanja i promovisanje sigurnog korištenja ceste“ broj 01-01.3-3350/15 AZ od 22.06.2015. godine.

Ponuđač je uredno dostavio svoju ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom.

Komisija je uputila poziv na pregovore sa ponuđačem dana 07.07.2015. godine. Zakazani su pregovori za 10.07.2015. godine u 10:00 sati. Pregovori se vode o o tehničkim, ekonomskim, pravnim i drugim aspektima ugovora.

1. Pregovori o nabavci usluga „Provođenje informativnih kampanja i promovisanje sigurnog korištenja ceste“ vode se između Komisije za javnu nabavku JP „Autoceste Federacije BiH“ d.o.o. Mostar imenovana prema Rješenju broj: 01-01.3-3350-3/15 AZ od 07.07.2015.

godine i Ponuđača Fakultet za kriminalistiku, kriminologiju i sigurnosne studije Sarajevo, koga predstavljaju ovlašteni predstavnici prof.dr.Jasmin Jahić, Sedada Ejupović i Ermina Bakić, prema predočenoj punomoći broj 01-01-3007/15.

2. Pregovori se vode u sali Operativnog ureda Sarajevo, Dubrovačka 6, Sarajevo. Predsjednik Komisije Mirza Resić, obrazložio je razloge za provođenje predmetnog postupka javne nabavke, te značaj istog za Ugovorni organ. Istakao je da je ovo prva autocesta u Bosni i Hercegovini te da pokazatelji ponašanja pojedinih faktora sigurnosti ukazuju na nedovoljno poznavanje ili nedostatak propisa koji regulišu oblast sigurnosti saobraćaja na autocesti.

Također, naglasio je da se autocesta proteže kroz pet kantona i jedanaest opština, što bitno usložnjava praćenje stanja sigurnosti, kako JP Autocestama FBiH tako i drugim subjektima, te da je cilj predmetne nabavke prikupiti podatke, analizirati iste sa ciljem identifikacije problema, te izraditi i prezentirati preporuke i prijedloge, kroz određeni oblik informativnih kampanja, a sve u svrhu povećanja stepena sigurnosti saobraćaja na autocesti A1.

Nadalje, konstatovao je da je Komisija pregledala pristiglu ponudu ponuđača, da ista sadrži sve zahtjevane dokumente iz tenderske dokumentacije, te da će se na pregovorima, s obzirom na činjenicu da je Fakultet za kriminalistiku, kriminologiju i sigurnosne studije Sarajevo, jedina naučno-obrazovna institucija u BiH koja može u potpunosti odgovoriti na postavljene uvjete i ciljeve predmetne nabavke, razgovarati prvenstveno o šonućenoj cijeni, odnosno o mogućnosti odobravanja popusta.

3. Predstavnik Ponuđača prof.dr. Jasmin Ahić zahvalio se na ukazanom povjerenju i prilici na saradnji sa JP Autoceste FBiH. Zatim je istakao značaj i kompleksnost predmetne nabavke sa stanovišta metodologije istraživanja, imajući u vidu da je predmet istraživanja naučnog i stručnog interdisciplinarnog karaktera, odnosno da se predmetna nabavka mora sagledati sa saobraćajno-kriminalističkog, sigurnosnog i kriznog aspekta, te da je Fakultet za kriminalistiku, kriminologiju i sigurnosne studije Sarajevo, odnosno Institut za kriminalistiku, kriminologiju i sigurnosne studije koji djeluje u sastavu Fakulteta, jedina naučna ustanova koja može doći do rezultata koji imaju optimalnu svrhu i implementaciju istraživačkog rada.

Član Komisije Mirnes Fazlić, naglasio je da je upravo cilj predmetnog postupka da se dobijeni rezultati studije, kroz informativne kampanje iskoriste za povećanje sigurnosti na autocesti, odnosno da doprinesu tome da autocesta ne bude nepoznanica, kako za korisnike tako i za ostale faktore koji su dio sistema sigurnosti na autocesti.

4. Zatim su predstavnice Ponuđača g-đa Sedada Ejupović i Ermina Bakić obrazložile ponuđenu cijenu. Istakle su da se veći dio ponuđene cijene od 19.250,00 KM odnosi na istraživački dio, odnosno troškove istraživačkog rada i naknade istraživačima koje su u ovom slučaju svedene na minimum, te da nemaju prostora za popust.
5. Nakon kraće diskusije, dogovoren je popust od 250,00 KM, odnosno konačna cijena od 19.000,00 KM. Također, dogovoreno je da će Ponuđač dostaviti konačnu ponudu, dana 13.06.2015. godine do 16:30 sati, na novim obrascima koji su im uručeni i to Obrazac za dostavljanje končane ponude, Aneks 2 i Obrazac za konačnu cijenu ponude, Aneks 3.

prof. dr. Jasmin Ahić, ovlaštenu predstavnik ponuđača „Fakultet za kriminalistiku, kriminologiju i sigurnosne studije“ Sarajevo _____
Sedada Ejupović, ovlaštenu predstavnik ponuđača „Fakultet za kriminalistiku, kriminologiju i sigurnosne studije Sarajevo _____
Ermina Bakić, ovlaštenu predstavnik ponuđača Fakultet za kriminalistiku, kriminologiju i sigurnosne studije Sarajevo _____
Mirza Resić, predsjednik komisije _____
Lejla Hodžić, član komisije _____
Mirnes Fazlić, član komisije _____
Aida Zeba, sekretar komisije _____



